

სამოქალაქო მრჩეველთა საბჭოს სხდომის  
ოქმი N1

ქ. თელავი

12 აპრილი 2019 წ.

სხდომის დასაწყისი: 11:00 სთ

სხდომის დასასრული: 12:30 სთ

**სხდომას ესწრებოდნენ:**

1. შოთა ნარეკლიშვილი - თელავის მუნიციპალიტეტის მერი - საბჭოს თავმჯდომარე;
2. ნათია ქარჩაიძე - საქართველოს ბანკის რეგიონალური მენეჯერი - საბჭოს წევრი;
3. ნანა ათუაშვილი - ორგანიზაცია „World Vision“ კახეთის სამხარეო განვითარების პროგრამის მენეჯერი - საბჭოს წევრი;
4. ნინო პაატაშვილი - საქართველოს საზოგადოებრივი ინტერესების დაცვის ასოციაციის წარმომადგენელი - საბჭოს წევრი;
5. თენგიზ კუკუნაშვილი - იაკობ გოგებაშვილის სახელობის თელავის სახელმწიფო უნივერსიტეტის სტუდენტური თვითმმართველობის პრეზიდენტი - საბჭოს წევრი;
6. კონსტანტინე დოლიძე - ა(ა)იპ პროფესიული კოლეჯი „პრესტიუს“ დირექტორი - საბჭოს წევრი;
7. ნიკოლოზ შარვაშიძე - აღმოსავლეთ ევროპის ცენტრი მრავალპარტიული დემოკრატიისათვის რეგიონალური კოორდინატორი - საბჭოს წევრი;
8. ასმათ ღვინიაშვილი - ორგანიზაცია „World Vision“-ის სოციალური მუშაკი - საბჭოს წევრი;
9. სოფიო ტაბატაძე - კოოპერატივი „თაფლიანის“ ხელმძღვანელი - საბჭოს წევრი;
10. დავით ღონდაძე - საზოგადოებრივი გაერთიანება „ბემონის“ თელავის ოფისის დირექტორი - საბჭოს წევრი;
11. ნინო შამანაური - საზოგადოებრივი გაერთიანება „ბემონის“ თელავის ოფისის სოციალური მუშაკი - საბჭოს წევრი;
12. ნინო აფციაური - თელავის მუნიციპალიტეტის მერიის ადმინისტრაციული სამსახურის უფროსი - საბჭოს წევრი;
13. ნინო ჭიჭიკოშვილი - თელავის მუნიციპალიტეტის მერიის იურიდიული სამსახურის სამართლებრივი უზრუნველყოფის განყოფილების უფროსი სპეციალისტი - საბჭოს წევრი.

სხდომის მდივანი: ქეთევან ასლანიშვილი

## დღის წესრიგი:

1. საბჭოს წევრების წარდგენა;
2. საბჭოს თავმჯდომარის მიერ სამოქალაქო მრჩეველთა საბჭოსთვის მნიშვნელოვანი მიმდინარე და დაგეგმილი პროექტების გაცნობა და საბჭოს მოსაზრებების მოსმენა;
3. მუნიციპალიტეტში არსებული პრობლემის იდენტიფიცირება და მათი გადაწყვეტის გზების დადგენა;
4. მოსაზრებები და რეკომენდაციები საბჭოს მუშაობის ფორმატთან დაკავშირებით.

## მოისმინეს:

თელავის მუნიციპალიტეტის მერმა შოთა ნარეკლიშვილმა საბჭოს გააცნო საკრებულოს მორიგ სხდომაზე განსახილველად წარდგენილი შემდეგი სამართლებრივი აქტების პროექტები:

1. თელავის მუნიციპალიტეტის საკრებულოს 2018 წლის 28 დეკემბრის №71 დადგენილებაში „თელავის მუნიციპალიტეტში განსახორციელებელი ჯანდაცვისა და სოციალურ საკითხთა პროგრამის დამტკიცების შესახებ“ ცვლილების შეტანის თაობაზე, რომლის მიზანია სადღესასწაულო დღეებში სასაჩუქრე ამანათის ღირებულების განსაზღვარა თითოეულ ბენეფიციარზე;
2. თელავის მუნიციპალიტეტის საკუთრებაში არსებული უძრავი ქონების სახელმწიფოსათვის საკუთრებაში უსასყიდლოდ გადაცემის შესახებ;
3. თელავის მუნიციპალიტეტის საკუთრებაში არსებული უძრავი ქონების „სოფელ ქვემო ხოდაშნის ქალთა საინიციატივო ჯგუფისათვის“ პირდაპირი განკარგვის წესით, დროებით სარგებლობის უფლებით უსასყიდლოდ გადაცემის შესახებ თანხმობის მიცემის თაობაზე;
4. თელავის მუნიციპალიტეტის საკუთრებაში არსებული უძრავი ქონების ა(ა)იპ „საქართველოს საზოგადოებრივი ინტერესების დაცვის ასოციაციისათვის“ პირდაპირი განკარგვის წესით, დროებით სარგებლობის უფლებით უსასყიდლოდ გადაცემის შესახებ თანხმობის მიცემის თაობაზე.

მუნიციპალიტეტის მერი ასევე, საკრებულოს რიგგარეშე სხდომაზე წარდგენილ პროექტსაც შეეხო, რომელიც „ჯანმრთელობისათვის უსაფრთხო გარემოს უზრუნველყოფის ხელშეწყობის სახელმწიფო პროგრამის დამტკიცების შესახებ“ საქართველოს მთავრობის 2019 წლის 27 თებერვლის №120 დადგენილების ფარგლებში, გადაუდებელი სასწრაფო დახმარების

მიწოდების მიზნით, დაგეგმილი საჯარო შენობების მშენებლობებს ეხება. აღნიშნული პროექტის დაფინანსება უნდა განხორციელდეს საქართველოს სახელმწიფო ბიუჯეტით გათვალისწინებული, საქართველოს რეგიონებში განსახორციელებელი პროექტების ფონდიდან. თელავის მუნიციპალიტეტის შემთხვევაში ეს არის ნაფარეულის ადმინისტრაციულ ერთეულში გადაუდებელი სასწრაფო დახმარების შენობა, რომლის მშენებლობაც უახლოეს მომავალში დაიწყება.

გარდა ამისა, მუნიციპალიტეტის მერი სხვა მიმდინარე და დაგეგმილ ინფრასტრუქტურულ პროექტებსაც შეეხო. კერძოდ, სოფელ ვარდისუბნის კულტურის სახლის რესტავრაციასა და ახალი საბავშვო ბაღის მშენებლობას, აგრეთვე, აღნიშნა რომ შენობის ავარიული მდგომარეობის გამო იგეგმება სოფელ სანიორის კულტურის სახლის დემონტაჟი. გარდა ამისა, შეეხო გარე განათების საკითხსაც და აღნიშნა, რომ დარჩენილ ლოკაციებზე პრობლემა უახლოეს პერიოდში აღმოიფხვრება.

ზემოაღნიშნულ პროექტებს დადებითი შეფასება მოყვა მრჩევლების მხრიდან.

გარდა ამისა, საბჭოს წევრები შეეხნენ მუნიციპალიტეტში არსებული პრობლემების იდენტიფიცირების საკითხს. კერძოდ, მრჩეველმა ნათია ქარჩაიძემ ისაუბრა მუნიციპალური ტრანსპორტის აუცილებლობის შესახებ, რის შემდეგაც მუნიციპალიტეტის მერმა შოთა ნარეკლიშვილმა განმარტა, რომ მიმდინარეობს პროექტის შედგენის სამუშაოები და ამის შესაბამისად გაატარებენ საჭირო ღონისძიებებს. თელავის სახელმწიფო უნივერსიტეტის თვითმმართველობის პრეზიდენტი, საბჭოს ერთ-ერთი წევრი თენგიზ კუკუნაშვილი დაინტერესდა თელავის გივი ჩოხელის სახელობის სტადიონის რეაბილიტაციასთან დაკავშირებული საკითხით. მუნიციპალიტეტის მერმა აღნიშნა, რომ სტადიონის სრული რეაბილიტაციისთვის მიმდინარეობს პროექტის დამუშავება და თანხების მოძიება. კონსტანტინე დოლიძემ და ნათია ქარჩაიძემ ისაუბრეს მუნიციპალიტეტის ტერიტორიების დასუფთავებასთან დაკავშირებულ საკითხებზე, რაზეც საბჭოს დანარჩენმა წევრებმა გამოთქვეს მზაობა ერთობლივი კამპანიის ფარგლებში, ადგილობრივი ხელისუფლების მხარდაჭერით, მუნიციპალიტეტის ტერიტორიების გამწვანებასა და დასუფთავების შესახებ. ასევე, საბჭოს ერთ-ერთმა წევრმა ნანა ათეაშვილმა გამოთქვა მოსაზრება მუნიციპალიტეტის ტერიტორიაზე ტურისტული ინფრასტრუქტურის მოწესრიგებასთან დაკავშირებით, რათა ტურისტი რაც შეიძლება მეტხანს გაჩერდეს მუნიციპალიტეტში. საკითხთან დაკავშირებით მერმა აღნიშნა, რომ ამ მიმართულებით მუნიციპალიტეტი მუშაობს. კერძოდ, ეწყობა საკემპინგე ადგილი ქალაქ თელავში, უნივერსიტეტის ტერიტორიაზე და ასევე, მსგავსი საკემპინგე ადგილების მოწყობა დაგეგმილია სოფელ ფშაველში თუშეთის გზაზე საბანაკოდ მიმავალი ტურისტებისთვის. გარდა ამისა, კონსტანტინე დოლიძემ ისაუბრა საკოლმეურნეო ბაზრის მიმდებარე ტერიტორიაზე გარე ვაჭრობის რეგულირების შესახებ, რასთან დაკავშირებითაც მერმა აღნიშნა, რომ ამ საკითხზე მერიის შესაბამისი სამსახური აქტიურად მუშაობს შინაგან საქმეთა სამინისტროს შესაბამის სამსახურთან ერთად, რათა მაქსიმალურად გათვალისწინებული იყოს ფეხით მოსიარულეთა ინტერესები.

სამოქალაქო მრჩეველთა საბჭოს პირველი სხდომა წარიმართა სამუშაო რეჟიმში. საბჭოს წევრებმა სხდომის ბოლოს იმედი გამოთქვეს, რომ საბჭოს მუშაობა შედეგიანი იქნება. საბჭოს თავმჯდომარემ - შოთა ნარეკლიშვილმა მზაობა გამოთქვა საბჭოსთან მომავალში აქტიური თანამშრომლობისთვის.

სხდომის ბოლოს განისაზღვრა საბჭოს მუშაობის ფორმატი. აღინიშნა, რომ საჭიროების შემთხვევაში საბჭო სამე თვეზე ნაკლებ დროშიც შეიკრიბება და მომდევნო სხდომად განსაზღვრა მაისის პირველი ნახევარი. სხდომის ჩატარების ზუსტი თარიღი და სხდომის დღის წესრიგი წინასწარ ეცნობებათ საბჭოს წევრებს.

სხდომის თავმჯდომარე  
თელავის მუნიციპალიტეტის მერი

შოთა ნარეკლიშვილი

სხდომის მდივანი

ქეთევან ასლანიშვილი